

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-L հրամանի

(05100040) / (27112023) / (724)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«27» նոյեմբերի 2023 թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մաքսատուն-վարչության
(ստորաբաժանման անվանումը)

ղեկավար Արտաշես Ղամբարյանս, քննելով՝ «Կոմֆորտ բրոք» ՍՊԸ-ի մաքսային
ձևակերպումների մասնագետ Արսեն Գրիգորյանի (նույն. քարտ՝ 008270043, հասցե՝
ք.Երևան, Գրիբոյեդովի փողոց, շենք 5Ա, բն. 34)

(քննվող անձի անվանումը, կազմակերպարական տեսակը, ՀՀՀՀ, պետական գրանցման/ընկերության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՄՎ ՄԳ բաժնի մաքսային տեսուչի կողմից իրականացված փաստաթղթային
հսկողության արդյունքում պարզվել է, որ «Կոմֆորտ բրոք» ՍՊԸ-ի մաքսային
ձևակերպումների մասնագետ Արսեն Գրիգորյանի կողմից «ՖԵՄԼԻ ՊԼՅՈՒՍ» ՍՊԸ-
ի անվամբ ներկայացված թիվ 05100040/300923/0008906 ապրանքների

հայտարարագրի 3-րդ ապրանքի նկարագրությունը 31-րդ սյունակում պետք է նշվեր «Թիկնապայուսակներ տեքստիլ նյութերից՝ տեսականի (առանց ապրանքային նշանի)», սակայն նշվել է «Թիկնապայուսակներ տեքստիլ նյութերից (առանց ապրանքային նշանի)»: Վերոնշյալ ոչ ճշգրիտ տեղեկությունները ներկայացնելու արդյունքում մաքսային վճարների պակաս հաշվարկում չի առաջանում:

Փաստի առթիվ 02.10.2023 թվականին ՀՀ ՊԵԿ ՀՄՎ ՄԳ բաժնի մաքսային տեսուչի կողմից «Կոմֆորտ բրոք» ՍՊԸ-ի մաքսային ձևակերպումների մասնագետ Արսեն Գրիգորյանի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

«Կոմֆորտ բրոք» ՍՊԸ-ի մաքսային ձևակերպումների մասնագետ Արսեն Գրիգորյանին 27.11.2023 թվականին ժամը 15:50-ին նշանակված գործի քննության վերաբերյալ 03.10.2023 թվականին փոստով ուղարկվել է ծանուցագիր, սակայն Հայփոստի կողմից ծանուցագիրը հետ է վերադարձվել «տեղափոխված» նշագրմամբ:

Հաշվի առնելով փոստով վերոնշյալ ծանուցագիրը քաղաքացու չստանալու հանգամանքը՝ քաղաքացուն հայտնաբերելու և ծանուցագիրը հանձնելու նպատակով՝ գրություն է ուղարկվել ՀՀ ՊԵԿ մաքսանենգության դեմ պայքարի վարչություն:

ՄԴՊՎ աշխատակիցները «Կոմֆորտ բրոք» ՍՊԸ-ի մաքսային ձևակերպումների մասնագետ Արսեն Գրիգորյանին առձեռն հանձնել են այս գործի քննության վերաբերյալ ծանուցագիրը, սակայն Արսեն Գրիգորյանը չի ներկայացել գործի քննությանը, գրավոր որևէ դիրքորոշում կամ բացատրություն չի ներկայացրել, և գործի քննությունը անցկացվել է նրա բացակայությամբ:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի

Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշների/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

«Մաքսային կարգավորման մասին» ՀՀ օրենքի 316-րդ հոդվածի 2-րդ մասի համաձայն՝ «Սույն հոդվածի 1-ին մասով սահմանված արարքը մեկ տարվա ընթացքում կրկին կատարելը՝ առաջացնում է տուգանք՝ տասը հազար դրամի չափով»:

Հաշվի առնելով այն հանգամանքը, որ «Կոմֆորտ բրոք» ՍՊԸ-ի մաքսային ձևակերպումների մասնագետ Արսեն Գրիգորյանը ՀՀ ՊԵԿ Հարավային մաքսատուն-վարչության պետի կողմից կայացված թիվ (05100040)/(17082023)/(566) որոշմամբ «Մաքսային կարգավորման մասին» ՀՀ օրենքի 316-րդ հոդվածի 1-ին մասով

նախագգուշացվել, հետևաբար այս դեպքով կիրառելի է «Մաքսային կարգավորման մասին» ՀՀ օրենքի 316-րդ հոդվածի 2-րդ մասը:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի 2-րդ մասով, 322-րդ, 334-րդ հոդվածներով՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. «Կոմֆորտ բրոք» ՍՊԸ-ի մաքսային ձևակերպումների մասնագետ Արսեն Գրիգորյանին «Մաքսային կարգավորման մասին» ՀՀ օրենքի 316-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության և տուգանել **10000** ՀՀ դրամի չափով

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն

(ստորաբաժանման անվանումը)

ղեկավար՝ Արտաշես Ղամբարյան
(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2023թ.

Ծանոթություն. Սույն որոշմամբ նշանակված Կոմիտեի գումարը ենթակա է վճարման Կենտրոնական
գանձապետարանի №900005024055 հաշվեհամարին 30 ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին»
օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության
հարկադիր կադարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի
335-րդ հոդվածով սահմանված կարգով և ժամկետներում: